

Naqqiut

Saqqummiussissut 10. marts 2026-meersoq taarserpaa
(UPA2026/48-mut aamma UPA2026/50-imut saqqummiussissutit ataatsimoortunngorlugit
allanneqarnerat)

Uunga siunnersuut: Kalaallit Nunaanni angallannermut inatsisip allannguutaa (nunap isikkua eqqarsaatigalugu sumiiffiinni biilinit oqinnerusunut, biilinillu taakkunanga aquttunut niaqqumut illersuuteqarnissamut piumasaqaat) pillugu Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut
(Ineqarnermut, Attaveqaasersuutinut, Isorliunerusunut Upalungaarsimanermullu Naalakkersuisoq)

Uunga siunnersuut: Kalaallit Nunaannut angallannermut inatsisip allanngortinneqarnissaanut inatsit (Kalaallit Nunaanni misissuisarnermik aaqqissuussinermik pilersitsineq) pillugu Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut)
(Ineqarnermut, Attaveqaasersuutinut, Isorliunerusunut Upalungaarsimanermullu Naalakkersuisoq)

Saqqummiussissut

(Ineqarnermut, Attaveqaasersuutinut, Isorliunerusunut Upalungaarsimanermullu Naalakkersuisoq)

Siullermeerneqarnera

Nunap isikkua eqqarsaatigalugu, biilini oqinnerusuni ingerlatitsisinnaanermut allagartanut piumasaqaatinik sakkukilliliineq, taakkunanilu biilini aquttumut niaqorornaveeqquteqarnermut piumasaqaat pillugu Kalaallit Nunaanni angallannermut inatsisip allanngorneranut inatsisissatut siunnersuummut missingiummik, Namminersorlutik Oqartussat akuersissuteqarnissaannik siunnersuut Naalakkersuisunit matumuuna saqqummiupparput.

Innuttaasut, inuussutissarsiutinillu ingerlatsisut inoqarfinni mikinerusuni sumiiffimmi assartuussinissamut ATV-nik aamma UTV-nik atuinissaminnut pisariaqartitsipput. Maleruagassat maannakkut atuninneranni qamutinik assakaasulinnik taakkuninnga aquttut ingerlatsisinnaanermut allagartaqartussaapput. Inoqarfinni taakkunani, ingerlatsisinnaanermut allagartartaarfusinnaanngitsuni, tamanna ajornartorsiutaavoq.

Tamanna tunngavigalugu Assartuussinermut ministereqarfiup, Naalakkersuisunit qinnuigineqarluni, aqqusinertigut angallannermut inatsisip sakkukillisinnissaanut missingiut suliaraa, tassani inoqarfinni toqqakkanik ingerlatsisinnaanermut allagartaqarani ATV-inik aamma UTV-inik ingerlatsisoqarsinnaalissalluni. Inoqarfiit pineqartut Naalakkersuisut inassuteqarnerat malillugu assartuussinermut ministerimiit toqqarneqassapput.

Isumannaallisaaneq eqqarsaatigalugu ATV-inik aamma UTV-inik qitequtaasamik isumannaallisaateqanngitsunik imaluunniit silataatigut qajannaatsumik assiaquteqanngitsunik ingerlaarnerup nalaani niaqorornaveeqquteqarnissamik piumasaqaat atuutsinneqalerpoq. Ajutoortoqarnerani ATV-inik aamma UTV-inik aquttoq immaqalu ilaasui, annertuumik inunnik ajoqusertoqarnissaa aarlerinaateqarluni, qamutinit assakaasulinnit katanneqarsinnaapput.

Biilnik misissuisarnermi atuutsitsilernissaq sivisuumik suliarineqarsimavoq. Maannakkut ilusiliaq naalagaaffimmit aningaasalersorneqartussaq suliarineqartussarlu Naalagaaffimmi oqartussanut isumaqatigiissutigineqarpoq.

Maannakkut inissisimanermi politiit kisimik aqqusernup sinaani misissuinertut ittumik biilnik misissuinissamut oqartussaasuupput. Kalaallit Nunaannut aqqusinertigut angallannermut inatsisip allanngortinneqarnissaanut siunnersuummi matumani Aqqusinertigut angallannermut aqutsisoqarfik aqqusernup sinaani misissuinissamut piginnaatinneqarpoq.

Aqqusinertigut angallannermut aqutsisoqarfik makkununga piginnaatinneqarpoq:

- Qamutitik assakaasulinnik unitsitsinissamut, aammalu qamutit assakaasullit teknikkimut tunngasortaanik misissuinissamut.
- Qamutit assakaasullit unittarfinni uninngasut piginnittumik akuersititsillutik teknikkimut tunngasortaanik misissuinissamut.
- Qamutit assakaasullit unittarfinni uninngasut teknikkimut tunngasortaanik misissuiniarluni aggersaanissamut.
- Qamutit assakaasullit, aqqusinertigut angallannermi isumannaassutsimut ulorianartorsiortitsisut ingerlanissaannut inerteqquteqarnissamut.
- Misissuinerit qanoq ingerlanneqartarnissaannut maleruagassiornissamut.

Matumuuna siunnersuutit Inatsisartuni suliassanngortippakka.